

Nuorttanaste

»Gæða dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 5.

7id jakkegærdde.

»Nuorttanaste« maksa ovta kruvna jakkoda-
gast, blaðde dinggujuvvu juokke poasta-
rappe lutte.

15ad Marts 1905.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Min suogje.

»Dorvasteket su ala juokke aige, di albmugak! Golgateket din vaimoidek su muodoi ouddi! Ibmel læ min suogje. Sela.« Sal. 62, 9.

Buorre læ muodost muttoi čuožžot ovtain, gutte væketet satta, go olmuš læ hædest. Ja sagga æmbo mav-solaš ja divras læ olbmui vaibmoi, go son diettet oažžo, atte væketægje læ dat rakis Ibmel.

Gonagas Daved læi okta garraset gæčaluvvum olmai, ja su stuora atestusak ja gæčalusak bakkijegje nuft garraset su ala, atte mangu have su čuorvas ja rokkadus čuojai dego bavčaslaš atestusčuorvvom. Ædnagak su salmain muittalek dam birra. Mutto jos mi su čuorvvot su sođi siste, de oaidnep mi, atte son alelassi væke oažžo.

Mi fuobmat maidai Daved lutte, atte son davja »gæčai čerai bællai,« vaiko son læi »olmai Ibmel vaimo mielde,« ja dalle go son dam dagai, bosoi atestusa ja dorvotesvuoda biege garraset su givseduvvum sielo siste; mutto dallanaga go son aiccagođi, mati son dorvolažat čelkket: »**Manne læk don vuolassojatuvvum, mu siello, ja maraidak mu siste? Vuorde Ibmela! Dastgo mon vela galgam su maidnot bestujume oudast su muodoi.**«

Dubat gærde læi son Ibmela væke gæčalam, ja son læi gavduam, atte Ibmela vække læi okta nana suogje. Ja nuftgo okta burist guorattallam olmai ravve son min, čelkkededines: »**Golgateket din vaimoidek su muodoi oudast!**« Ja mi berrep mærkašet, atte dat i læk dušše Daved, gutte roakkadet apasmatta

min dasa; mutto dat læ dat rakis Ibmel ješ, gutte su balvvalægjes čađa ravve su manaides juokke mailme aigidi.

Manditi son dakka dam? Lægo dat addem diti gædže laibe sagjai? I eisege! Buok Ibmela divras sadne duodašta dam birra, atte »**sust læ hallo olbmui manaidi,**« ja dat maidai migjidi muittala, atte Ibmel »**sitta oaidnet min hame**« ja »**gullat min jiena.**« Dam sitta son aivestassi min væketam diti.

»Ibmel læ min suogje,« nuft čelkka Daved. Dat suogje læ stuores, buorre ja rigges buokaidi — ja dat læ nu nanos. Gæčalekop mi buokak Ibmela su ječas, sane mielde buok min ællema nubbastusai vuolde. Galle dat satta davja daihe goit muttom in šaddat minguim nuft, atte mi orrop dego čuožžomen Ruksismaera gaddest daihe dego mi viekkalifčimek olgus sčevdnjadassi. Mutto nuft duodai go Herra ælla, mi galggap boatet oaidnet ja guorattallat sane buttes duottavuoda.

Buorre dalkas læ dat atestuvve ja givseduvvum vaibmoi, go son oažžo olgusgoaivvot daihe »golgateket« su vaimos Ibmel muodoi oudast. Dalle daptuvva nuft, atte ačče manas jeđde vuoinaines ja sanines. Atestusa ja dorvotesvuoda ganjal fertte gaiddat ilo ja gittalusa moje oudast. Vaibmo šadda lieggaset jeđdijuvvut; dastgo vaiko i oinulažat de almaken dorvolažat læ olmuš šaddam vissasmattuvvut dam birra, atte min Kristus siste rakis Ibmel ačče læ **gullam min,** ja dalle læ mist vække, vaiko mi dam davja lundolaš čalmiguim æp oainege. Ja dalle oažžop mi illodet daina iloin, mi læ sielo divrrasæmus illo, ja maid Jesus gočoda »**olles**

illon.»

Ibmel almug matta dam ilost ollo oažžot; dastgo loppadus læ navti: »**Rokkadallet ja digjidi addujuvvu.**«

Son havdes gavnai.

(Okta duotta muittalus).

Okta gandda, su namma læi Power, læi visses dam ala, atte i oktage šat dovda su, dal go son odđa nama vuolde sisa læi mannam muttom vinevuovddemvistai dam gavpugest, maid son 20 jage dastouddal læi guoddam. Son læi dalle okta nuorra, væittalas gandda, gutte gargeddi erit su buore ačhe ja rakistægje ædnes lutte, danditi go son vašoti buok, mi læi buorre ja sidai ællet su datos mielde.

Mangu jage eli son vilda ja hœjos ællema, ja mannel oažoi son halo gæčealet su likkos Alaska golleædnamin. Son sœrvai muttom angeres golleocci sœrvvai, ja sust læi likko mielde, nuft atte son farga fidni dam mađe, atte son læi rigges olmai, ja son dovda dego ovta oainemætton gieđa, mi gesi su dam baike vuostai, gost son læi rieggagam, ja gost su vanhemak læiga ællemen. Ouddalgo ješge riehta fuobmai, læi son su rieggagam-baikases boattam. Mutto son i diettam læigago su vanhemguovtos vela ællemen, vai læigago soai jabman; dastgo son 20 jakkai i læm čallam sanege sidasis.

Son jurdaši, atte vissa soai læva jabman, ja daina jurddagin manai son girkkogarddai alma jærakætta maidege ovtastge. Son muiti vela goggo girkkogarddest sin bærašhavdek legje, ja son manai dokko njuolgga; dastgo son arvvedi, atte jos su van-

hemguovtos læiga jabman, de soai dasa læiga havddaduvvum.

Dallanaga fuobmai son, atte okta ođđa gæd̄ge læi bajasceggijuvvum, dam rajest go son dobbe maņemus læi læmaš. Go son dam havddegeđ̄ge oini likastattujuvvui su vaibmo imašlažat, ja son sogjalati ječas vuolas lokkat dam čallaga havddegeđ̄ge alde. Dat læi muittun čallujuvvum su ače birra ja čuojai navt:

»Jami dam jage 1884. Andogasak læk dak jabmek, guđek jabmet Herra siste.«

Su ače jabmen jakke ja bæivve likastatti saggarak su vaimo; dastgo son læi gargedam sidast erit, ja su ædne læi guđđujuvvum okto morraš ja vaive gillat. Mutto daida songe farga læt ožžom čuovvot su boadnjas jabmen sisa? Son fast ječas vuolas sogjalati ja ganjalčalmin lokkali dam čallaga, mi læi muttom ara havddegeđ̄ge alde, ja son šaddai saggarak ibmaši, go dast čuožžoi:

»Jabman dam jage 1902. Ibmel galgga erit sikkot juokke gadnjala sin čalmin.«

Dat læi su ædne havddemærka. Dat nisson læi ferttim 18 jage čierrot boadnjas jabmen maņel su lappum barnes diti stuoremus vaivašvuoda siste. Son læi aido, moadde bæive ouddal go bardne bođi, loapatam su morašlaš ællemest ja havdde vuoinadussi bigjujuvvum. Gandda čuožželi bajas dego erit savdnjilam diti dam vuostas hirbmos morraša, mi su ala oktanmanost gaččai.

Mutto son fuobmai vel ovta goalmad gæd̄ge, ja gæn havde son dat galgai merkkit? Sist i læm oktagge sogalaš su dieđost, ja son læi su vanhemi aidno bardne. Fasten sogjali son vuolas čallaga lokkat, ja son hirbmastuvai, go son lokkali su ječas nama:

»Abija Powers, riegam 1866; jabman — su ædnes aino bardne, — ja son læi læska.«

Dat læi su ječas havddegeđ̄ge, mi læi bajasceggijuvvum su rakis ædnes, go dat maņemus doaiva su ruoktot boattem birra læi časkam. Dallanaga bođi muittalus læska barne birra Naienest su jurddagi, ja son oroi dego oaidnemen, moft su ædne fast ja fast læi dam muittalusa lokkam. — Son oroi dego gullamen ædnes rokka-dallamen, atte su aidno bardne sud-

nji fast ruoktot addujuvvuši.

Dak jarddagak bukte balo ja dorvotesvuoda dam garra olbma vaibmoi, ja son fertti čibides sogjalattet dam su ječas guoros havde ala. Son gieđas doalai muodoides oudast ja čieroi baččadet, nuft i læm son čirom, dam rajest go son mannan læi læmaš. Su ædne rokkadusak ja gadnjalak æi læm almaken duššas, vaiko galle su ædne i ožžom dabe ædnam alde oaidnet su lappum barnes sidi-boattema gattavaš vaimoin.

Ođđa olmušen šaddai læska bardne dam ækked girkkogardest; mutto son i mattam goassege ruoktot macatet dam atestusa ja dai gadnjalid, maid su ædne su vaittalasvuoda ja gažarvuoda diti læi golgatan. Ige mattam gandda goassege andagassi aldseis addet dam, atte son nuft læi bagjelgæččam su ædnes njuoras rakisvuoda.

Dal čuožžo su ouddamærkka varritusan buokaidi, guđek moftge daggar rakisvuoda bagjelgečček. Mutto mi muittet dal sëm̄mast vel ovta rakisvuoda, mi læ stuoreb go ædne rakisvuotta, namalassi dam agalaš Ibmela rakisvuoda, mi læ nuft stuores, atte son addi su aidno barnes bæstem diti lappum barnid ja nieidaid. Ja lossad šadda dat bæivve, go duhatak ja millionak galggek morranet aiccat dam duottavuoda, atte si læk bagjelgæččam dam rakisvuoda.



Jallas osko sevnjudatta luondo jierme.

Jallas osko dugjo ilo, mutto dam loappa læ hæpad ja jabmen.

(Sisasaddijuvvum)

Mu æcalažaidam Herra sistel Mon sarnom duottavuoda. Ibmel dam dietta. Im mon gielastala; josjuoge ædnag lamesvuodast, de almake buore ulmest, læm mon gæččalam čallet dam čuovvovaš bitta. Damditi ravvin mon du, rakis lokke, gi-ikkenessi don læžak: Loga dam hilljanes ja lojesvuoda vuoinain! Vikke dam burist, ouddal go don dam dubmit! Ja jos mikkege læža dagjum dast, mi læ dakkam, maid ik lifči halidam, de ale værran; dastgo dagjat i læk bahab, go atte dakkat. Ja jos ærep dam

vela læš mikkege, mi orro du mielast læt hæjod addijuvvum ja čallujuvvum, de daga dam ješ nuft čielgasen, go satak. Mu vuoign̄a dasto galgga ilodet.

Mu ustebidam! Dam basse lokkusest, maid mon dal aigom ouddandoallat digjidi nubde Moses girjest 32ad kapitalest vuostas værsa rajest oaidnep mi čabbat ouddandivvujuvvumen obba Ibmela girikko ja dam luondo ja lagašvuoda, aido dego gova spægjalest. Dast oaidnep mi ječas Ibmela; dast læ Moses; dast læ pappa (Kristus sagjasaš); dast læ særvvegodde, ja dast læ maidai Vuoign̄a su læges mielde. Girikko luonddo ja lagašvuotta oidnu čabbat maidai dast, atte dat i gierda goassege, atte Moses læ erit; dastgo nuft dallanaga go Moses agjani varest, de algi dat nuftgoččujuvvum basse olbmui særvve gillat vaile, i olgodes ællem dafhost, mutto siskaldasad, nuft atte sin basse ællemlake jorgeti dam gafhadæmus fastevuottan. Ælle Ibmel sagjai bođi jabma ibmel. Ælle Ibmel sagjai algi tempelbalvvalægje doaimattet æppeibmelbalvvalusa olbmuidi dokkim diti. Særvvegodde oskoi gielasid olbmui bakkomi mielde; nuftgo læ celkkujuvvum, atte bærgalak læ gavvelis vuoign̄a, nuft oidnujuvvu maidai dast su čæppevuotta gævatusastes. Dam havege didi son su ačes burist stivrrit; dastgo go sust læi aiggomuš likkotesvuoda buktet olbmui ala, de fertti son vuost barggat vuoitet papa bagjel; dastgo son didi burist, atte nuft gukka go pappa læ su vuostai, i læk sudnji gæpas laidet su mielas mielde. Damditi fertti son vuost falletet papa. Son ani særvvegodde gieđastes gaskaoabmen vuoitet su bagjel. Dat šaddai nuft, atte son jallas oskoin sevnjudatti sin vaimo siste papa ala, vai si oskošegje pappi daggo, goggo Ibmel læi gielddam. Si osko jallas oskoin ja manne papa lusa ja celkke: »Rakad migjidi Ibmela; dastgo mi æp dieđe gosa Moses læ šaddam.« Dat orro dego si aigošegje cælkket: Go Moses læ erit, de læ maidai Ibmelge erit, ja go i læk šat dietto, gost Moses læ, de i dittujuvvu šat, gost Ibmelge læ; ja go i læk dietto velago Moses boatta ruoktot, de i læk maidai dietto velago Ibmelge boatta. Dat læi gæččalægjest okta gudnecærke pappi, man vuostai

son i mattam čužžot. Særvegodde dam lakai jallas oskoines vuiti papa bagjel aido dalle go Moses læi erit; dastgo čallum læ: »Go Moses agjani varest, de čoaggani Israel almug Aron lusa ja celkka stuora roakkadvuodain: Rakad migjidi ibmel, gutte galgga vagjolet min oudast; dastgo æp mi dieđe gosa Moses læ šaddam.« Sin jallas osko læi nuft buorre, atte si æi darbašam jærrat, mattekgo daihe mast ja mott dat galgga rakaduvvut. Mutto dušše celkkek: »Rakad migjidi Ib-mela. Dat gudnefallam maistoi Aroni buorren, ja son celki: »Buktet deike daid gollid, maid din nissonak, barnik ja nieidak guddek bagjelistesek.« Si gaikku daid ja ouddangudde daid sudnji. Son suddadi daid okti ja stuora čeppevuodain leiki galbbehabmasaš gollegora, mutto fal alma hægataga, oaže, vara, nake ja vela guolgaitagage; ja go Israel manak dam oidne, de sevnjudattujuvvum jirmin vuostai buok čalmidæsek oaino ja jiermesek čielgga arvadusa, celkke si jallas oskoin: »Dat læ dat ibmel, gutte min Egyptenest olgusdoalvoil!« Dego si aigusegje celkket: I læk vuttivaldemest, maid jierbme dast aiguš celkket. Vaiko dast galle i oidnu ærago olgodes jabuna govva, de almak læ visses, atte ibmelvuoda oainemættom famo ja ješvuoda lagid dat adna sistes. Aibas duotta læ, atte ælle osko maidai davja osko vuostai luondo jierme; mutto fal dušše dalle go læ lbmel sadne.

(Lasetuvvu).

Gukken ja lakka.

Soatte.

Ruošša læ tapim hirbmadet.

Dam manost læ Ruošša Nuortta-Asiast tapim hirbmadet. Dak maņemus soattetelegramak čugjek navt:

Mukden læ valddujuvvum Japanesalažain. 150,000 Ruošša goddujuvuvjegje, ja 50,000 sarjaduvvujegje, ja 50,000 valddujegje fanggan. Japanesalažak læk vuoitam birra buok.

Ruošša læ arvvalam saddet vela 400,000 soattebaikkai, mutto rutta vaillo. Frankarika bankok æi læk

miellalak šatten lonit Ruošši; dastgo su vælgge dobbe læ juo ouddal 12 miliarda kruvna. Dal i daide æra radde læt, go rafhe bivdegoattet.

Jaskismæraflaata galgga Ruošša læt ruoktot ravkkam.

Stuime birra i gullu dal sagga. Dušše muittaluvvu, atte Warschauast, Polen oaivvegavpugest galgga læt stuora raffhetesvuotta.

5000 olbma Kristianiast
læk bargotaga.

Oudis statsraada Wexelsen
læ namatuvvum bisman Troandemi.

Japanesalažak
læk dam maņeb aiggai valddam 32 dampa oktibuok 100,000 ton lastain. Dak skipak galgge koalaid ja æra soattedarbašvuodaid doalvvot Wladivostocki.

Lofotbivddo.
10ad marsa ragjai læ Lofotast fiskijuvvum $2\frac{3}{10}$ million guolek, dast læ $1\frac{2}{10}$ million hængastuvvum. Vadnasi lokko læi 5038, maina læk 1888 fierbmevadnasa. Daina vadnasin læk 1766 Væstalofofast. Oasteskipai lokko læ 283, maina 99 læk Væstalofofast. Væstalofofast gullu dal buorremus bivddo.

Vesteraalabivddo
i læk bahage baikotagai. Muttom fiskoværain læk maidai alggam baldaid goddet valljid.

Finmarkost
fiskijuvvu dal burist, erinoamašet Væstafinmarkost. Mutto dalkek læk læmaš garras, ja sæktevadne læ ollo hettim bivdo. Almak læk juo muttomak fidnem kr. 200 ragjai olbma oassai.

Dat »Nuorttanaste« nummar
šaddai agjanet, dainago olgusadde læ jottemen. Dat nummar čallujuvvu Hammerfestast.

Pappa Gapon
galgga dal læt Parisast, Frankarika oaivvegavpugest, son dobbe aiggo Engelandi, gost son finada daina stuoremus gavpugin. Son læ gieskad čallam ruošša kaisari garra bræva, son aita su dynamit attentatain. Bargid læ son maidai apasmattam ain stuime bajasdoalatet.

Dam sorbmijuvvum Sergius sagjai
læ Moskva militærdistriktast namatuvvum okta, gæn namma læ Malachoff.

Gieldapappan Garasjokki
læ namatuvvum N. K. Nissen.

Tyska kaisar
aiggo maidai dam gæse fidnat min ædnamest.

Maid Japanesalažak vuitte
dam maņemus stuora šlagast. Ruošak guđe maņasæsek 26,500 jabmid, 2 plævga, 60 kanovnaid, 60,000 geværaid, 150 vavnoid, 1000 ruovddemađe vavnoid, 200,000 arterieriprojektilaid, 25,000 geværpatronaid, 45,000 ruovddemađe skinaid (gappalagaid), 2000 hæstaid, ovta million porsjonaid laibe, 70,000 tonna boalddamuša, 60,000 tonna suinid (avje) ja mađohas ædnag šivitid, telegrafa rakkanusaid ja æra soattebierrgasid.

Ruošša i sida vel rafhe.
Maņemus telegramak Petersborgast muittalek, atte buok sagak mak læk videduvvum dam birra, atte Ruošša rafhe bivdda, læk giellasak. Mutto Japanesalažak læk arvvaladdamen franska ja engelas ruttaolbmaguim loana birra. Si sittek čuode million Yen, pantan loppedek si para-finagjagid, mak gavdnujek Davve-Japanest.

Kuropatkin læ vaibbam.
Petersborgast muittaluvvu, atte generai Kuropatkin læ bivddam kaisarest lobe muttom ærai addet komando; dastgo son darbaša vuoinadusa sikke rumašlažat ja vuoinalažat.

Konsulašše.

Konsulaše birra čallujuvvu garaset ja viššalet dal buok darogielavisain. Orro čajeteme, atte dat ašše šadda duodalebbun, go ænaš oasse Norga assin læk jakkam. Nuftgo mi læp juo ouddal muittalalam, læ odđa radđitus asatuvvum. Dam oudastolmai (minister) læ Michelsen. Boares gonagas Oscar i læk ješ sidast, son læ Romast, ja beggjujuvvu maidai, atte son aiggo erit bigjat kruonos, d. l. hæittet gonagassan læmest. Su boaresæmus bardne, kruvnaprinsa Gustav, læ dal gonagassan su sajast. Stuoradigge læi valljim sierra olb-

maid, gæidi konsulatašše bigjujuvvui arvvalusa vuollai. Dai olbmai daihe dam særve oudastolmai læi amtmand Prebensen. Dam sævvai čali kronprinsregenta čuovvovas čallaga:

»Mon dovdam darbašvuoda daina duodalaš beivin vaimon rappat din oudast, ja dam dagam mon dal aivestassi nuftgo Norga radđijægje. Mon ibmerdam galle ollaset daid dovdoid, mak daina beivin čađamannek darolaš albmuga, ja atte di nuftgo vanhemædnam oskaldes barnek daina boatte mærradusain aivestassi šaddabetet Norga buore čalmidcedek oudast adnet. Mutto mi læ Norga — mon cækkam scemma famoin — mi læ gugtug rikai buorre? Mon dallanaga dasa vastedam: **Okti ovtostattujubme.** Damditi læ dat mu rievatalaš doaivvo ja mu siskaldes goččom digjidi, atte di epet loaidast mange daggar gæino ala, mi galggaši buktet sirrejume dam guokta nationa gaski. Dat læ davja læmaš celkkujuvvum, atte dynastia (gonagassokka) gæččala ječas darbašvuodaid ja halidusaid suogjalet æmbo go albmuga. Mutto dat i læk okta duotta sadne. Okti ovtastattujubme i læk okta oaiivveašše gonagas sokki, mutto dat berriši læt oaiivveašše goabbašagaidi sikke Ruođariki ja Norgi; dastgo dat læ okta varjalus gugtug rikaidi ja okta likko boatte aigi čađa. Gonagasfabmo i læk goassege hettitusaid Norga ouddi bigjam, atte dat su ječas konsulaid i galga oažžot. Dat aidno gaibbadus, ouddal go dat halidus devdujuvvu, læ læmaš ja ain berre læt atte gaskavuotta dam olgoædnamlas stivriijubmai ordnijuvvu dam lakkai, atte dam guokta rika okti ovtastattujubme bista, ja atte ašek, mak guskek gugtug rikaidi, æi mate ollaset čilggijuvvut ja čovddujuvvut, ouddal go dak læk dutkujuvvum rikalaga paragraf 5 mielde. Nuftgo dai okti ovtastattujuvvum rikai radđijægje im matte mon goassege cera lakai mænnotet go dam mielde, maid oainam avkkalažžan rikai okti ovtastattujubmai, mæst mon ječam gavnam gædne-gassam gidda-doallat.

Dal læ læmaš gæččaluvvum buore dam gæino alde, — mi dadde bahabut dal læ orostam. Mutto damditi æp berre mi hœittet buok ja vuolget daggar gæinoi ala, mak æi alma-ke doalvo mærrai. Mutto buoremus læ bajasvalddet ođđa dutkama ja arv-

valusa Ruođarikain govdeb vuodo alde. Ja daggar dutkami ja arvvalussi ovtadassasašvuoda vuodo alde gugtug rikai gaskast læm mon gærgos mieldebergin læt. Mon dovdam, atte dat læ mu gædnegasvuotta ouddandoallat digjidi daid stuora varalašvuodaid ja vaddesvuodaid, mi dast matta boattet, jos dak guokta albmuga vuolggaba ješguttege sodno gæinoska mielde. Go mi okti ovtastattujuvvum læp, de læ mist almeken muttom oassai fabmo ja vuoigadvuotta dai europealaš staitai gaskast; mutto go mi læp sirrijuvvum, man sagga ucepp arvvo læ dalle Norga ja Ruođa sanest. Dat albmug, maid ješ luonddo læ okti bigjam, berre maidai boatte aigest ovtast doallat. Go mon oainam buok dam čielgaset čuožžomen mu siskaldes čalmidam oudast, de mattebetet digis arvedet, maggar rievatalaš siskaldes ja mu vaimo čiegnalvuodast boatte morrašin mon gæčam dam dile ala, man sisa mi dal læp boattam ja dam aite jorgitæme ala, maid ašše dai orro valddemen.

Loapatussi cækkam mon dušše dam: »Go di mannabetet din barggosedek, de dakket dam ollaset ravastuvvum čalmiguim ja guoratallet darkkelet buok dam, mi din mænnotusast matta boattet! Juokkehaš mæredokus su buoremus ibmardusas mielde! Ibmel stivriijekus albmugil! Son addus digjidi ja migjidi visesvuoda loaidastet dam gæino ala, mi doalvo vanhemædnam ja davveædnami duotta buorrai!

Dam čallaga bivdam mon dieđituvvut albmugi

Gustav

Kristianiast 28ad bæive februar
manost 1905.*

*

Go dat čala bođi konsulsærve lusa, de dat særve gavnai buoremussan, atte son dam i dieđet. Særve oudastolmai, amtman Prebensen manai dasto kruvnaprinsa lusa ja muitali, atte si æi sätte dam dieđet. Kruvnaprinsa dasto ješ dam dieđeti.

Mæsta buokak min ædnam avisa- laittek saggarak dam gonagas barne čallaga. Si čuožotek, atte son Ruođa bæle doalla ja læ ovtamielalašvuodast singuim (dai nuftgoččujuvvum stuora ruotalažaiiguim), guđek sivalaž- ja legje dasa, atte konsulat-arvvalusa i vuolggam mikkege. Dal mui-

talek manemus blađek, atte dak stuoradiggest valljijuvvum 19 olbma læk mærradam, atte »Norga aše valdda giettasis,« nuft atte laka rakaduvvu, man mielde juo boatte jage las april rajest Norga matta saddet sierra konsulaid olgoædnami, nabbo dalle su ječas konsulaid. Dađemielde go Ruođarika stivriijægjek æi mieđa dasa, mutto arvvaladdam aige ain sittek, de læ ballamest, atte Ruodalaš sodin Norga ala boatta. I læk gal buorrevela diettet, mutto ballamest læ.

Dampa »Tordenskjold«

læ mannam lassa ala gukken oarjen, Arendal gavpug lakka. Sivvan dasa læi sukkis mierkka. 5 pasešera legje mielde. Buok olbmuk gagjujuvvujegje, ja doaiva læ, atte maidai lasta ožžujuvvu.

Sardnægje A. Wangberg

aiggo fast dam gida boattet Sameædnami samegiel bibalid olgusjuokket. Mi oažžoimek gieskad bræva sust, mast son cælkka, atte su halidus læ Ibmela sane videdet sami særvest. Ibmel sadne berre joavddat juokke sami daloi, vai Ibmel dato dovdosen šaddaši. Mi savvap Wambergi likko ja Ibmel buristsivdnadusa dam su bargost.

Arabialažai gaskast

jerrujuvvu dal maidai garraset bibal manpai. Okta amerikanalaš miššonsærve, mi bibalid prente arabialaš gilli læ 6 manost vuovddam čuode duhat bibalid ja bibalčallagid. Ænemusad læ vuovdujuvvum Ægypteni.

Gonagas Daved cælkka su 67ad salmast daid sanid: »Ibmel lekus migjidi armogas ja buristsivdnedekus min, son addus su muođoides čuovgat min lutte, vai ædnam alde dovd- dujuvvaši su gæidno, buok bakeni gaskast su bestujubme.«

Stuora bæivvebalkka.

Italia gonagas oažžo juokke bæive 28,000 kruvna. Kæisar Tuisklandast oažžo 36,000 kruvna ja Østerika kæisar bæivvebalkka læ 45,000 kruvna. Mutto Ruođarika kæisar bæivvebalkka šadda 108000 kruvna. Gal dat juo læ obba buorre bæivvebalkka, vai maid don lokke arvvalak?

»Nuorttanaste« čalle, prentejægje ja olgusadde læ G. F. Lund, Sigerfjord, Vesteraalen.